

四庫全書

集部

欽定四庫全書

御定全唐詩卷十七

樂府雜曲

鼓吹曲辭

漢有朱鷺等二十二曲列於鼓吹謂之
鼓歌魏使繆襲改其十二曲而十曲並

仍舊名是時吳亦使韋昭改製十二曲其十曲亦
因之晉傳玄襲二十二曲唯二曲之名不改舊漢
宋齊並用漢曲又充庭十六曲梁高祖乃去其四
留其十二北齊二十曲皆改古名後周革前代鼓
吹制為十五曲隋制列鼓吹為四
部唐則又增為五部部各有曲

朱鷺

張籍

翩翩兮朱鷺來汎

集作浴

春塘棲綠樹羽毛如翦色如染

遠飛欲下雙翅斂避人引子入深澗動處水紋開濫濫

誰知豪家網爾軀不如飲啄江海隅

艾如張

李賀

錦襜褕繡襦強強

集無下強字

飲啄哺爾雛隴東卧穩滿

風雨莫信

一作逐

龍媒隴西去齊人

一作入

織網如素空張

在野春

集作田

平碧中網絲漠漠無形影誤爾觸之傷首

紅艾葉綠花誰翦刺中藏禍機不可測

上之回

盧照鄰

回中道路險蕭關烽候多五營屯北地萬乘出西河單
于拜玉璽天子按琱戈振旅汾川曲秋風橫大歌

同前

李白

三十六離宮樓臺與天通閣道步行月美人愁煙空恩
疎寵不及桃李傷春風淫樂意何極金輿向回中萬乘
出黃道千旗揚彩虹前軍細柳北後騎甘泉東豈問渭
川老寧邀襄野童秋暮

一作但暮

瑤池宴歸來樂未窮

同前

李賀

上之回大旗喜懸虹隼

集作雲

捷鳳尾劍匣破舞蛟龍蚩

尤死鼓逢逢天高慶雷齊墜地地無驚煙海千里

戰城南

盧照鄰

將軍出紫塞冒頓在烏貪茄喧雁門北陣翼龍城南琯
弓夜宛轉鐵騎曉參驂應須駐白日為待戰方酣

同前

李白

去年戰桑乾源今年戰葱河道洗兵條支海上波放馬

天山雪中草萬里長征戰三軍盡衰老匈奴以殺戮為
耕作古來唯見白骨黃沙田秦家築城備胡處漢家還
有烽火然烽火然不息征戰一作長征無已時野戰格鬪死
敗馬號鳴向天悲烏鵲啄人腸銜飛上挂枯樹枝一作上枯
枝士卒塗草莽將軍空爾為乃知兵者是凶器聖人不
得已而用之

同前 劉駕

城南征戰多城北無飢鷄白骨馬蹄下誰言皆有家城

前水聲苦倏忽流萬古莫爭城外地城裏有閒土

同前二首

僧貫休

萬里桑乾傍茫茫古蕃壤將軍貌顛顛撫劍悲年長胡
兵尚陵逼久住亦非強邯鄲少年輩箇箇有伎倆拖槍
半夜去雪片大如掌

磧中

一作石

有陰兵戰馬時驚蹶輕猛李陵心摧殘蘇武

節黃金鎖子甲風吹色如鐵十載不封侯茫茫向誰說

巫山高

鄭世翼

巫山凌太清，岩峽類削成。
霏霏暮雨合，靄靄朝雲生。
危峰入鳥道，深谷瀉猿聲。
別有幽棲客，淹留攀桂情。

同前二首

沈佺期

巫山峰十二，環合

集作
合沓

隱昭回，俯眺琵琶峽。
平看雲雨

臺，古槎天外倚，瀑水日邊來。
何忽啼猿夜，荆王枕席開。
神女向高唐，巫山下夕陽。
裴回作行雨，婉孌逐荆王。
電影江前落，雷聲峽外長。
霽雲無處所，臺館曉蒼蒼。

同前

盧照鄰

巫山望不極望望下朝雲

集作氣

莫辨啼猿樹徒看神女

雲驚濤亂水脈驟雨暗峰文
霓裳即此地況復遠思君

同前 張循之

巫山高不極沓

一作合

沓狀奇新暗谷疑風雨幽巖

集作崖

若鬼神月明三峽曙

集作曉

潮滿二

集作九

江春為問陽臺

夕 集作客

應知入夢人

同前 劉方平

楚國巫山秀清猿日夜啼萬重春樹合十二碧峰齊峽

出朝雲下江來暮雨西陽臺歸路直不畏向家迷

同前

皇甫冉

巫峽見巴東迢迢半出空雲藏神女館雨到楚王宮朝
暮泉聲落寒暄樹色同清猿不可聽偏在九秋中

同前

李端

巫山十二峰皆在碧虛中回合雲藏日

集作月

霏微雨帶

風猿聲寒過水

集作澗

樹色暮連空愁向高唐望清秋見

楚宮

同前 于濟

何山無朝雲彼雲亦悠揚何山無暮雨彼雨亦蒼茫宋
玉持才者憑雲構高唐自重集作垂文賦名荒淫歸楚襄
峨峨十二峰永作妖鬼鄉

同前二首 孟郊

巴山上峽重復重陽臺碧峭十二峰荆王獵時逢暮雨
夜卧高丘夢神女輕紅流煙溼豔姿行雲飛去明星稀
目極魂斷望不見猿啼三聲淚霑衣

見盡數萬里不聞三聲猿但飛蕭蕭雨中有亭亭魂千

載楚襄

一作王

恨遺文宋玉言至今青冥裏

集作晴明天

雲結

深閨門

同前

李賀

碧叢叢高

一作齊

插天大江翻瀾神曳煙楚魂尋夢風颼

一作颼

然曉風飛雨生苔錢瑤姬一去一千年丁香筇竹

啼老猿古祠近月蟾桂寒椒花墜紅溼雲間

一作瑞

同前

僧齊已

巫山高巫女妖雨為暮兮雲為朝楚王顛顛魂欲銷秋
猿嗥嗥日將夕紅霞紫煙凝老僻千巖萬壑花皆坼但
恐芳菲無正色不知今古行人行幾人經此無秋情雲
深廟遠不可覓十二峰頭插天碧

將進酒

李白

君不見黃河之水天上來奔流到海不復回君不見高
堂明鏡悲白髮朝如青絲暮成雪人生得意須盡歡莫
使金尊空對月天生我材必有用千金散盡還復來烹

羊宰牛且為樂會須一飲三百杯岑夫子丹丘生將進

酒杯

一作君

莫停與君歌一曲請君為我側耳聽鐘鼓饌

玉不足貴但願長醉不復醒古來聖賢

一作賢達

皆寂莫惟

有飲者留其名陳王昔時宴平樂斗酒十千恣歡謔主

人何為言少錢徑須酤取

一作酒

對君酌五花馬千金裘

呼兒將出換美酒與爾同銷萬古愁

同前

元稹

將進酒將進酒酒中有毒酖主父言之主父傷主母母

為妾地父妾天仰天俯地不忍言佯為僵踣主父前主
父不知加妾鞭旁人知妾為主說主將淚洗鞭頭血推
推集作主母牽下堂扶妾遣升堂上牀將進酒酒中無
毒令主壽願主回思集作歸主母遣妾如此事一作主
父妾為此事人偶知自慙不密方自悲主今顛倒安置
妾貪天僭地誰不為

同前 李賀

瑠璃鍾琥珀濃小槽酒滴真珠紅烹龍炮鳳玉脂泣羅

屏繡幕圍香風吹龍笛擊鼉鼓皓齒歌細腰舞況是青
春日將暮桃花亂落如紅雨勸君終日酩酊醉酒不到
劉伶墳上土

君馬黃

李白

君馬黃我馬白馬色雖不同人心本無隔共作遊冶盤
雙行洛陽陌長劍既照曜高冠何艷赫各有千金裘俱
為五侯客猛虎落陷穽壯夫時屈厄相知在急難獨好

亦

一作知

何益

芳樹

沈佺期

何地早芳菲，宛在長門殿。
夭桃色若綬，穠李光如練。
啼鳥弄花疎，遊蠶飲香偏。
歎息春風起，飄零君不見。

同前

盧照鄰

芳樹本多奇，年華復在斯。
結翠成新幄，開紅滿舊

集作故

枝。風歸花歷亂，日度影參差。
容色朝朝落，思君君不知。

同前

徐彥伯

玉花珍簾上，金縷畫屏開。
曉月憐第柱，春風憶鏡臺。
箏

柱春風吹曉月芳樹落花朝暝歇葉砧刀頭未有時攀
條拭淚坐相思

同前

韋應物

迢迢芳園樹列映清池曲對此傷人心還如故時綠風
條灑餘靄露葉承新旭佳人不再攀下有往來躅

同前

元稹

芳樹已寥落孤英尤可嘉可憐團團葉蓋覆深深花遊
蜂競攢刺鬪雀亦紛拏天生細碎物不愛好光華非無

殲殄法念爾有生涯春雷一聲發驚燕亦驚蛇清池養
神蔡已復長蝦蟇雨露貴平施吾其春草芽

同前

羅隱

細藥

集作
萼

慢逐風暖香閒破鼻青帝固有心時時動人

集作
漏天

意去年高枝猶壓地今年低枝已顛顚吾所以見

造化之權變通之理春夏作頭秋冬為尾循環反覆無

窮已今

集作
人

生長短同一軌若使威可以制力可以止

秦皇不肖斂手下沙丘孟賁不合低頭入蒿里伊人彊

猛猶如此顧我勞生何足恃但願開素袍傾綠蟻陶陶

兀兀大醉於青冥

集作宵

白晝間任他上是天下是地

有所思

沈佺期

君子事行役再空芳歲期美人曠延佇萬里浮雲思園
槿綻紅豔郊桑柔綠滋坐看長夏晚秋月生

集作照

羅幃

同前

李白

我思仙

一作佳

人乃在碧海之東隅海寒多天風白波連

山

一作天

倒蓬壺長鯨噴湧不可涉撫心茫茫淚如珠西

來青鳥東飛去願寄一書謝麻姑

同前 孟郊

桔槔烽火晝不滅客路迢迢信難越古鎮刀攢萬片霜
寒江浪起千堆雪此時西去定如何空使南心遠淒切

同前 盧仝

當時我醉美人家美人顏色嬌如花今日美人棄我去
青樓珠箔天之涯天涯娟娟常娥月三五二八盈又缺
翠眉蟬鬢生別離一望不見心斷絕心斷絕幾千里夢

中醉卧巫山雲覺來淚滴湘江水湘江兩岸花木深美人不見愁人心含愁更奏綠綺琴調高絃絕無知音美人兮美人不知為暮雨兮為朝雲相思一夜梅花發忽到窗前疑是君

同前

韋應物

借問江

集作堤

上柳青青為誰春空遊昨日地不見昨日

人繚繞萬家井往來車馬塵莫道無相識要非心所親

同前

劉氏雲

朝亦有所思暮亦有所思登樓望君處藹藹浮雲飛

集作

霽霽蕭關道

浮雲遮却陽關道向晚誰知妾懷抱

集作掩淚向浮雲誰

知妾懷抱

玉井蒼苔春

集作青

院深桐花落地

集作盡

無人埽

雉子班

李白

辟邪伎作鼓吹驚雉子班之奏曲成喔咿振迅欲飛鳴
扇錦翼雄風生雙雌同飲啄趨悍誰能爭乍向草中耿
介死不求黃金籠下生天地至廣大何惜遂物情善卷
讓天子務光亦逃名所貴曠士懷朗然合太清

臨高臺

褚亮

高臺暫俯臨飛翼聳輕音浮光隨日度漾影逐波深迴
瞰周平野開懷暢遠襟獨此三休上還傷千歲心

同前

王勃

臨高臺高臺迢遞絕浮埃瑤軒綺構何崔嵬鸞歌鳳吹
清且哀俯瞰長安道萋萋御溝草斜對甘泉路蒼蒼茂
陵樹高臺四望同帝鄉佳氣鬱葱葱紫閣丹樓紛照曜
璧房錦殿相玲瓏東彌長樂觀西指未央宮赤城映朝

日綠樹搖春風旗亭百隊開新市甲第千甍分戚里朱

輪翠蓋不勝春疊樹層

一作重

楹相對起復有青樓大道

中繡戶文窗雕綺攏錦衣畫

集作余夜

不襞羅幃夕

集作畫

未

空歌屏朝拚翠妝鏡晚窺紅為吾

集作君

安寶髻蛾眉罷

花叢狹路塵間黯將暮雲間月色明如素鴛鴦池上兩

兩飛鳳皇樓下雙雙度物色正如此佳期那不顧銀鞍

繡轂盛繁華可憐今夜宿倡家倡家少婦不須嚙東園

桃李片時春君看舊日高臺處柏梁銅雀生黃塵

同前

僧貫休

涼風吹遠念使我升高臺寧知數片雲不是舊山來故人天一涯久客殊未回雁來不得書空寄聲哀哀

黃雀行

莊南陳

穿屋穿牆不知止爭樹爭巢入營死林間公子挾彈弓
一丸致斃花叢裏小雛黃口未有知青天不解高高飛
虞人設網當要路白日啾嘲禍萬機

釣竿篇

沈佺期

朝日斂紅煙垂竿向綠川人疑天上坐魚似鏡中懸避
撒時驚透猜鉤每誤牽湍危不理轄潭靜欲留船釣玉
君徒尚徵金我未賢為看芳一作方餌下貪得會無全集作

荃

凱歌六首

岑參 天寶中四紀寇邊常清出師
征之及破播仙奏捷獻凱乃作凱歌

漢將承恩西破戎捷書先奏未央宮天子預開麟閣待
祇今誰數貳師功

官軍西出過樓蘭營幕傍臨月窟寒蒲海曉霜凝劍

集作

馬
尾蔥山夜雪撲旌竿

鳴笳搥

集作疊

鼓擁回軍破國平
蕃昔未聞大夫鵲印搖

邊月天

集作大

將龍旗掣海雲

月落轅門鼓角鳴
千羣面縛出蕃城
洗兵魚海雲迎陣
秣馬龍堆月照營

蕃軍遙見漢家營
滿谷連山徧哭聲
萬箭千刀一夜殺
平明流血浸空城

暮雨旌旗溼未乾
胡塵

集作煙

白草日光寒
昨夜將軍連

曉戰蕃軍只見馬空鞍

鼓吹饒歌

柳宗元
宗元私作

按此十二曲史書不載疑
而未嘗奏或雖奏而未嘗

用故不
被於歌

晉陽武

晉陽武言隋亂既極唐師起晉陽平姦豪為生
人義主以仁興武也第一

晉陽武奮義威煬之渝德焉歸氓畢屠綏者誰皇烈烈
專天機號以仁揚其旗日之升九土晞斥田圻流洪輝

有其二翼餘隋斲梟驚連熊螭枯以肉勃者羸后土蕩
玄穹彌合之育莽然施惟德輔慶無期

晉陽武二十六句句三字

獸之窮

獸之窮言李密自邛山之敗其下皆貳霸王之
業知天授在唐遂歸於有道享我爵命也第二
獸之窮奔大麓天厚黃德狙獷服甲之橐弓弭矢服皇
旅靖敵逾感自亡其徒匪予戮屈贊猛虔慄慄縻以尺

組噉以秩黎之陽土茫茫富兵戎盈倉箱乏者德莫能
享驅豺兕授我疆

獸之窮二十二句其十八句句三字四句
句四字

戰武牢

戰武牢言太宗師討王充實建德助逆師奮擊
武牢下擒之遂降充也第三

戰武牢動河朔逆之助圖掎角怒鼓虜抗喬嶽翹萌芽

傲霜電王謀內定申掌握鋪施芟夷二主縛憚華戎廓
封略命之普卑以斡歸有德唯先覺

戰武牢十八句其十六句句三字二句句

四字

涇水黃

涇水黃言薛舉據涇以死其子仁果尤勇以暴
師平之也第四

涇水黃隴野茫負太白騰天狼有鳥鷩立羽翼張鉤喙

決前鉅

一作距

趙傍怒飛飢嘯羆不可當老雄死子復良

巢岐飲渭肆翱翔頓地紘提天網列缺掉幟招搖耀鉞
鬼神來助夢嘉祥腦塗原野魂飛揚星辰復恢一方

涇水黃二十四句句其十五句句三字九句

句四字

奔鯨沛

奔鯨沛言輔氏憑江淮竟東海命將平之也第

五

奔鯨沛盪海垠吐霓翳日腥浮雲帝怒下顧哀墊昏受
以神柄推元臣手援天矛截修鱗披攘蒙霧開海門地
平水靜浮天垠集作根羲和顯耀乘清氛赫炎溥暢融大
鈞

奔鯨沛十八句其十句句三字八句句四
字

芭枿

芭枿言梁之餘保荆衡巴巫窮南越良將取之

不以師也第六

苞拊黜矣惟根之蟠彌巴蔽荆負南極以安曰我舊梁
氏輯綏艱難江漢之阻都邑固以完聖人作神武用有
臣勇智奮不以衆投跡死地謀猷縱化敵為家慮則中
浩浩海裔不威而同係縲降王定厥功澶漫萬里宣唐
風變夷九譯咸來從凱旋金秦象形容震赫萬國罔不
龔

苞拊二十八句其十六句句四字三句句

五字九句句三字

河右平

河右平言李軌保河右師臨之不克變或執以降也第七

河右澶漫頑為之魁王師如雷震崑崙以積上聳下聰
驚不可迴助讎抗有德惟人之災乃潰乃奮執縛歸厥
命萬室蒙其仁一夫則病濡以鴻澤皇之聖威畏德懷
功以定順之于理物咸遂厥性

河右平十八句其十一句句四字五句句
五字二句句三字

鐵山碑

鐵山碑言突厥之大古夷狄莫彊焉師大破之
降其國告于廟也第八

鐵山碑大漠舒二虜勁連穹廬背北海專坤隅歲來侵
邊或傳于都天子命元帥奮其雄圖破定襄降魁渠窮
竟窟宅斥余吾百蠻破膽邊氓蘇威武輝耀明鬼區利

澤彌萬祀功不可踰官臣拜手惟帝之謨

鐵山碑二十二句句其十一句句三字九句

句四字二句句五字

靖本邦

靖本邦言劉武周敗襄寂咸有晉地太宗滅之

也第九

本邦伊晉惟時不靖根柢之搖枝葉攸病守臣不任勩
於神聖惟鉞之興翦焉則定洪惟我理式和以敬羣頑

既夷庶績咸正皇謨載大惟人之慶

靖本邦十四句句四字

吐谷渾

吐谷渾言李靖滅吐谷渾於西海上也第十

吐谷渾盛彊背西海以夸歲侵擾我疆退匿險且遐帝
謂神武師往征靖皇家烈烈旆其旗熊虎雜龍蛇王旅
千萬人銜枚默無譁東刀踰山徼張翼縱漠沙一舉刈
羶腥尸骸積如麻除惡務本根況敢遺萌牙洋洋西海

水威命窮天涯係虜來王都攜樂窮休嘉登高望還師
竟野如春華行者靡不歸親戚謹要遮凱旋獻清廟萬
國思無邪

吐谷渾二十六句句五字

高昌

高昌言李靖滅高昌也第十一

麴氏雄西北別絕臣外區既恃遠且險縱傲不我虞烈
烈王者師熊螭以為徒龍旂翻海浪駟騎馳坤隅賁育

搏嬰兒一埽不復餘平沙際天極但見黃雲驅臣靖執
長纓智勇伏囚拘文皇南面坐夷狄千羣趨咸稱天子
神往古不得俱獻號天可汗以覆我國都兵戎不交害
各保性與軀

高昌二十二句句五字

東蠻

東蠻言既克東蠻羣臣請圖蠻夷狀如周書王
會也第十二

東蠻有謝氏冠帶理海中自言我異世雖聖莫能通王
卒如飛翰鵬騫駭羣龍轟然自天墜乃信神武功繫虜
君臣人累累來自東無思不服從唐業如山崇百辟拜
稽首咸願圖形容如周王會書永永傳無窮睚眦萬狀
乖咿嗚九譯重廣輪撫四海浩浩知皇風歌詩鏡鼓間
以壯我元戎

東蠻二十二句句五字

御定全唐詩卷十七

欽定四庫全書

御定全唐詩卷十八

橫吹曲辭

橫吹曲其始亦謂之鼓吹馬上奏之蓋軍中之樂也其後分為二部有蕭茄者

為鼓吹用之朝會道路亦以給賜有鼓角者為橫吹用之軍中自隋以後始以橫吹與鼓吹列為四部以供大駕及皇太子王公等唐制太常鼓吹令掌鼓吹施用調習之節以備鹵簿之儀而分五部一曰鼓吹部其樂器有柷鼓金鉦大鼓小鼓長鳴角次鳴角六種柷鼓一曲十疊大鼓十五曲嚴用三曲警用十二曲金鉦無曲以為鼓節小鼓九曲上馬用一曲嚴警用八曲長鳴一曲三聲上馬嚴警用之中鳴一曲三聲用與長鳴同二曰羽葆部其樂器有歌鼓簫茄鐃于五種凡十八曲三曰鐃

吹部其樂器與羽葆部同凡七曲四曰大橫吹部
其樂器有角節鼓笛簫簞簞茄桃皮簞簞七種凡
二十四曲五曰小橫吹部其樂器有角笛簫簞簞
茄桃皮簞簞六種其曲不見疑同用大橫吹曲也
凡大駕行幸則夜警晨嚴大駕夜警十二曲中警
七曲晨嚴三通皇太子夜警九曲公卿以下夜警
七曲晨嚴並三通夜警
衆一曲轉次而振也

隴頭

張籍
曰隴頭水

隴頭已

集作
路

斷人不行胡騎夜入涼州城漢家處處格

鬪死一朝盡沒隴西地驅我邊人胡中去散放牛羊食

禾黍去年中國養子孫今著檀裘學胡語誰能更使李

輕車收取涼州屬

集作入

漢家

隴頭吟

王維

長安少年遊俠客
夜上戍樓看太白
隴頭明月迴臨關
隴上行人夜吹笛
關西老將不勝愁
駐馬聽之雙淚流
身經大小百餘戰
麾下偏裨萬戶侯
蘇武纔為典屬國

節旄空

集作落

盡海西頭

同前

翁綬

隴水潺湲隴樹黃
征人隴上盡思鄉
馬嘶斜日朔風急

雁過寒雲邊思長殘月出林明劒戟平沙隔水見牛羊
橫行俱足一作是封侯者誰斬樓蘭獻未央

隴頭水

楊師道

隴頭秋月明隴水帶關城笳添別離曲風送斷腸聲映
雪峯猶暗乘冰馬屢驚霧中寒雁至沙上轉蓬輕天山
傳羽檄漢地急徵兵陣開都護道劒聚伏波營於茲覺
無度方共濯胡纓

同前

盧照鄰

隴坂高無極，征人一望鄉。
關河別去水，沙塞斷歸腸。
馬繫千年樹，旌懸九月霜。
從來共嗚咽，皆是為勤王。

同前 王建

隴水何年隴頭別，不在山中亦嗚咽。
一作鳴咽 征人塞耳

馬不行，未到隴頭聞水聲。
謂是西流入蒲海，還聞北海

一作去 繞龍城。
隴東隴西多屈曲，野麋飲水長簇簇。
胡兵

夜回水，傍住憶著來時磨劍處。
向前無井復無泉，放馬

回看隴頭樹

同前 于瀆

借問隴頭水終年恨何事深疑嗚咽聲中有征人淚昨
日上山下達曙不能寐何處接長波東流入清渭

集本
前四

句與羅隱
詩全同

同前 僧皎然

隴頭心欲絕隴水不堪聞碎影搖槍壘寒聲咽帳軍素
從鹽海積綠帶柳城分日落天邊望逶迤入塞雲

秦隴逼氐羗征人去未央如何幽咽水并欲斷君腸西

注悲窮漠東分憶故鄉旅魂聲攪亂無夢到遼陽

同前 鮑溶

隴頭水千古不堪聞生歸蘇屬國死別李將軍細響風
凋草清哀雁落雲

同前 羅隱

借問隴頭水年年恨何事全疑嗚咽聲中有征人淚自
古無長策況我非深智何計謝潺湲一宵空不寐

出關 魏徵

中原還

集作初

逐鹿投筆事戎軒縱橫計不就慷慨志猶

存策杖謁天子驅馬出關門請纓羈

集作繫

南越憑軾下

東藩鬱紆陟高岫出沒望平原古木吟寒鳥空山啼夜
猿既傷千里目還驚九折魂豈不憚艱險深懷國士恩
季布無二諾侯嬴重一言人生感意氣功名誰復論

入關

賈馳

河上微風來關頭樹初溼今朝關城吏又見孤客入上
國誰與期西來徒自急

同前 張祜

都城連百二

集作三百里

雄險北

一作此

回環地勢遙尊岳河

流側讓關秦皇曾虎視漢祖亦

集作昔

龍顏何事梟兇輩

干戈自不閒

出塞

竇威

匈奴屢不平漢將欲縱橫看雲方結陣却月始連營潛
軍渡馬邑揚旆掩龍城會勒燕然石方傳車騎名

同前

陳子昂

忽聞天上將關塞重橫行始返樓蘭國還向朔方城黃
金裝戰馬白羽集神兵星月開天陣山川列地營晚風
吹畫角春色耀飛旌寧知班定遠獨集作猶是一書生

同前

張易之

俠客重恩光驄集作駿馬飾金裝暫聞傳羽檄馳突救邊

荒轉戰磨笄地橫行戴斗鄉將軍占太白小婦怨流黃
騾裹青絲騎娉婷紅粉妝一春鶯度曲八月雁成行誰
堪坐秋思羅袖拂空林

同前

沈佺期

十年通大漠萬里出長平
寒日生戈劒陰雲搖旆旌
飢烏啼舊壘疲馬戀空城
辛苦蘭皋北胡霜損漢兵

同前

王維

居延城外獵天驕白草連天野
火燒暮雲空磧時驅馬
秋日平原好射鵬護羌校尉朝
乘障破虜將軍夜渡遼
玉靶角弓珠勒馬漢家將賜霍
嫖姚

同前

王昌齡

秦時明月漢時關萬里長征人未還但使龍城飛將在
不教胡馬度陰山

白花垣上望京師黃河水流無盡時窮秋曠野行人絕
馬首東來知是誰

同前

馬戴

金帶連環束戰袍馬頭衝雪度臨洮卷旗夜劫單于帳

亂斫胡兵

集作兒

缺寶刀

前出塞九首

杜甫

戚戚去故里悠悠赴交河公家有程期亡命嬰禍羅君
已富土境開邊一何多棄絕父母恩吞聲行負戈

出門日已遠不受徒旅欺骨肉恩豈斷男兒死無時走
馬脫轡頭手中挑青絲捷下萬仞岡俯身試塞旗

磨刀鳴咽水水赤刃傷手欲輕腸斷聲心緒亂已久丈
夫誓許國憤惋復何有功名圖麒麟戰骨當速朽

送徒既有長遠戍亦有身生死向前去不勞吏怒嗔路
逢相識人附書與六親哀哉兩決絕不復同苦辛

迢迢萬餘里領我赴三軍軍中異苦樂主將寧盡聞隔河見胡騎倏忽數百羣我始為奴僕幾時樹功勲

挽弓當挽彊用箭當用長射人先射馬擒賊先擒王殺人亦有限列國自有彊苟能制侵陵豈在多殺傷

驅馬天雨雪軍行入高山逕危抱寒石指落曾冰間已去漢月遠何時築城還浮雲暮南征可望不可攀

單于寇我壘百里風塵昏雄劍四五動彼軍為我奔虜其名王歸繫頸授轅門潛身備行列一勝何足論

從軍十年餘能無分寸功
衆人貴苟得欲語羞雷同
原有鬪爭況在狄與戎
丈夫四方志安可辭固窮

後出塞五首

杜甫

男兒生世間及壯當封侯
戰伐有功業焉能守舊丘
召募赴薊門軍動不可留
千金買馬鞭一作鞍百金裝刀頭

閭里送我行親戚擁道周
班白居易上列酒酣進庶羞
少年別有贈含笑者吳鉤

朝進東門營暮上河陽橋
落日照大旗馬鳴風蕭蕭
平

沙列萬幕部伍各見招中天懸明月令嚴夜寂寥悲笳
數聲動壯士慘不驕借問大將誰恐是霍嫖姚

古人重守邊今人重高勲豈知英雄主出師旦長雲六

合已一家四夷且孤軍遂使貔虎士奮身勇所聞拔劍

擊大荒日牧

一作收

胡馬羣誓開玄冥北持以奉吾君

獻凱日繼踵兩蕃靜無虞漁陽豪俠地擊鼓吹笙竽雲
帆轉遼海粳稻來東吳越羅與楚練照耀興臺軀主將
位益崇氣驕陵上都邊人不敢議議者死路衢

我本良家子出師亦多門將驕益愁思身貴不足論躍
馬二十年恐辜明主恩坐見幽州騎長驅河洛昏中夜
間道歸故里但空村惡名幸脫免窮老無兒孫

出塞

皇甫冉

吹角出塞門前瞻即胡地三軍盡回首皆灑望鄉淚轉
念關山長行看風景異由來征戍客各負

集作負得

輕生義

同前

王之渙

黃沙直

集作河遠

上白雲間一片孤城萬仞山羌笛何須怨

楊柳春光不度玉門關

同前 耿漳

漢家邊事重實憲出臨戎絕漢秋山在陽關舊路通列

營依茂草吹角向高風更就燕然石看銘破集作行虜

功

同前 張籍

秋塞雪初下將軍遠出師分營長記火放馬不收旗月
冷邊帳溼沙昏夜探遲征人皆白首誰見滅胡時

同前 劉駕

胡風不開花四氣多作雪北人尚凍死况我本南越古
來犬羊地巡狩無遺轍九土耕不盡武皇猶征伐中天
有高閣圖畫何時歇坐恐塞上山低於沙中骨

出塞曲 劉濟

將軍在重圍音信絕不通羽書如流星飛入甘泉宮倚
是并州兒少年心膽雄一朝隨召募百戰爭王公去年
桑乾北今年桑乾東死是征人死功是將軍功汗馬牧

秋月疲兵卧霜風仍聞左賢王更欲圖雲中

同前 于鵠

微雪將軍

集作軍將

出吹笳天未明觀兵登古戍斬將對雙

旌分陣瞻山勢潛軍

集作兵

制馬鳴如今新

集作青

史上已

有滅胡名

單于驕愛獵放火到軍城待

集作乘

月調新弩

集作馬

防秋

置遠營空山朱戟影寒磧鐵衣聲逢著降

集作度水逢

胡說

陰山有伏兵

同前

僧貫休

掃盡狂胡跡回戈

集作頭

望故關相逢唯死關豈易得生

還縱宴參胡樂收兵過雪山不封十萬戶此事亦應閒
玉帳將軍意慙懃把酒論功高寧在我陣沒與招魂塞
色干戈束軍容喜氣屯男兒今始是敢出玉關門

回首隴山頭連天草木秋聖君應入夢半路遣封侯水
不擔陰雪柴令倒戍樓歸來麟閣上春色滿皇州

入塞

劉希夷

將軍陷虜圍邊務息戎機霜雪交河盡旌旗入塞飛曉
光隨馬度春色伴人歸課績朝明主臨軒拜武威

入塞曲

耿緯

將軍帶十圍重錦製戎衣援臂銷弓力虬鬚長劍威首
登平樂宴新破大宛歸樓上姝姬笑門前問客稀暮烽
玄菟急秋草紫騮肥未奉君王詔高槐晝掩扉

同前

僧貫休

單于烽火動都護去天涯別賜黃金甲親臨白玉墀塞

垣須靜謐師旅審安危定遠條支寵如今勝古時
方見將軍貴分明對冕旒聖恩如遠被狂虜不難收臣
節唯期死功勲敢望侯終辭修里第從此出皇州
百里精兵動參差便渡遼如何好白日亦照此天驕遠
樹深疑賊驚蓬迴似鵬凱歌何日唱磧路共天遙

同前

沈彬

欲為皇王服遠戎萬人金甲鼓鼙中陣雲暗塞三邊黑
兵血愁天一片紅半夜翻營旗攪月深秋防戍劒磨風

謗書未及明君熱卧骨將軍已歿功

苦戰沙間卧箭痕戎樓閣上望星文生希國澤分偏將
死奪河源答聖君驚觀敗兵眠白草馬驚邊鬼哭陰雲
功多地遠無人紀漢閣笙歌日又曛

折楊柳

盧照鄰唐書樂志曰梁樂府有胡吹歌即鼓角橫吹曲折楊柳是也按古樂

府又有小折楊柳相和大曲有折楊柳行清商四曲有月節折楊柳歌十三曲與此不同

倡樓啓曙扉園

集作楊

柳正依依鳥鳴知歲隔條變識春

歸露葉疑啼臉

集作愁黛

風花亂舞衣攀折聊將寄軍中書

集作
音 信稀

同前 沈佺期

玉窗朝日映羅帳春風吹拭淚攀楊柳長條踈地垂白
花飛歷亂黃鳥思參差妾自肝腸斷旁人那得知

同前 喬知之

可憐濯濯春楊柳攀折將來就纖手妾容與此同盛衰
何必君恩獨能久

同前 劉憲

沙塞三河道金閨二月春碧煙楊柳色紅粉綺羅人露
葉憐啼臉風花思舞巾攀持君不見為聽曲中新

同前

崔湜

二月風光半三邊戍不還年華妾自惜楊柳為君攀落

絮緣

集作紫

衫袖垂條拂髻鬟那堪音信斷流涕望陽關

同前

韋承慶

萬里邊城地三春楊柳節葉似鏡中眉花如關外雪征
人遠鄉思倡婦高樓別不忍擲年華含情寄攀折

同前 歐陽瑾

垂柳拂妝臺
歲蕤葉半開
年華枝上見
邊思曲中來
嫩色宜新雨
輕花伴落梅
朝朝倦攀折
征戍幾時回

同前 張祜

紅粉青樓曙
垂楊仲月春
懷君重攀折
非妾妬腰身
舞帶紫絲斷
嬌娥向葉嚬
橫吹凡幾曲
獨自最愁人

同前 張九齡

纖纖折楊柳
持此寄情人
一枝何足貴
憐是故園春
遲

景那能久流芳不及新更愁征戍客鬢老邊城塵

同前 余延壽

大道連國門東西種楊柳歲蕤君不見裊娜垂來久緣
枝棲暝禽雄去雌獨吟餘花怨春盡微月起秋陰坐望
窗中蝶起攀枝上葉好風吹長條婀娜何如妾妾見柳
園新高樓四五春莫吹胡塞一作茄曲愁殺隴頭人

同前 李白

垂楊拂綠水搖豔一作豔喬東風年花明玉闌雪葉暖金窗

煙美人結長恨

集作想

相對

集作對此

心悽然攀條折春色遠

寄龍庭前

一作龍沙邊

同前 孟郊

楊柳多短枝短枝多別離贈遠累

集作屢

攀折柔條安得

垂青春有定節離別無定時但恐人別促不怨來遲遲

莫言短枝條中有長相思朱顏與綠楊并在別離期

樓上春風過風前楊柳歌枝踈緣別苦曲怨為年多花

驚燕地雪葉映楚池波誰堪別離此征戍在交河

同前 李端

東城攀柳葉柳葉低著草少壯莫輕年輕年有人

集作哀

老柳發徧川岡登高堪斷腸雨煙輕漠漠何樹近君鄉

贈君折楊柳顏色豈能久上客莫霑巾佳人正回首新

柳送君行古柳傷君情突兀臨荒渡婆娑出舊營隋家

兩岸盡陶宅五株平

集作榮

日暮偏愁望春山有鳥聲

同前 翁綬

紫陌金堤映綺羅遊人處處動離歌陰移古戍迷荒草

花帶殘陽落遠波臺上少年吹白雪樓中思婦斂青蛾
殷勤攀折贈行客此去關山雨雪多

望行人

王建

自從江樹秋日日上

一作望

江樓夢見離珠浦書來在桂

州不

一作願

同魚比目終恨水分流久不開明鏡多應是

白頭

同前

張籍

秋風窗下起旅雁向南飛日日出門望家家行客歸無

因見邊使空待寄寒衣獨閉

集作倚

青樓暮煙深鳥雀稀

關山月

盧照鄰按相和曲有度關山亦類此也

塞垣通碣石虜障抵祁連相思在萬里明月正孤懸影

移金岫北光斷玉門前寄書

集作言

謝中婦時看鴻雁天

同前

沈佺期

漢月生遼海曠曠出半暉合昏玄兔

一作兔

郡中夜白登

圓暈落關山迴光含霜霰微將軍聽曉角戰馬欲南歸

同前

李白

明月出天山，蒼茫雲海間。
長風幾萬里，吹度玉門關。
漢下白登道，胡窺青海灣。
由來征戰地，不見有人還。
戍客望邊色，一作思歸多苦顏。
高樓當此夜，歎息未應閒。

同前 長孫佐輔

淒淒還切切，戍客多離別。
何處最傷心，關山見秋月。
月竟如何由，來遠近過始。
經玄兔，一作塞終繞白狼河。

忽憶秦樓婦，流光應共有。
已得並蛾眉，還知攬纖手。
去歲照同行，比翼復連形。
今宵照獨立，顧影自矻矻。
餘暉

漸西落夜夜看如昨借問映旌旗何如鑒帷幕拂曉朔
風悲蓬驚雁不飛幾時征戍罷還向月中歸

同前

耿緯

月明邊徼靜戍客望鄉時塞古柳衰盡闌寒榆發遲蒼
蒼萬里道戚戚十年悲今夜青樓上還應照一作有所思

同前二首

戴叔倫

月出照闌山秋風人未還清光無遠近鄉淚半書間
一雁過連營繁霜覆古城胡笳在何處半夜起邊聲

同前 崔融

月生西海上氣逐邊風壯萬里度關山蒼茫非一狀漢
兵開郡國胡馬窺亭障夜夜聞悲笳征人起南望

同前 李端

露溼月蒼蒼關頭榆葉黃回輪照海遠分彩上樓長水
凍頻移幕兵疲數望鄉祇應城影外萬里共如霜

集作胡

同前 王建

關山月營開道白前軍發凍輪當磧光悠悠照見三堆

兩堆骨邊風割面天欲明金莎一作沙嶺西看看沒

同前 張籍

秋月朗朗關山上山中人馬蹄響關山秋來雨雪多
行人見月唱邊歌海邊漠漠天氣白胡兒夜度黃龍磧
軍中探騎暮出城伏兵暗處低旌戟溪水連地集作天霜

草平野馳尋水磧中鳴隴頭風急雁不下沙場苦戰多
流星可憐萬國關山道年年戰骨多秋草

同前 翁綬

裏回漢月滿邊州照盡天涯到隴頭影轉銀河寧海靜
光分玉塞古今愁笳吹遠戍孤烽滅雁下平沙萬里秋
况是故園搖落夜那堪少婦獨登樓

同前

鮑氏君微

高高秋月明北照遼陽城塞迴光初滿風多暈更生征

人望鄉思戰馬聞鞞驚

一作聲

朔風悲邊草胡沙昏

一作暗

虜營霜疑匣中劍風憊原上旌早晚謁金闕不聞刀斗

聲

一作鳴

洛陽道

于武陵

浮世若浮雲，千回故復新。
旋添青草冢，更有白頭人。
歲暮客將老，雪晴山欲春。
行行車與馬，不盡洛陽塵。

同前

鄭渥

客亭門外路，東西多少喧。
騰事不齊楊柳，惹鞭公子醉紆麻。
掩淚魯人迷，通宵塵土飛。
山月是處經營夾，御堤頃刻知音幾。
存歿半回依約認輪蹄。

洛陽陌

李白

白玉誰家郎回車渡天津看花東上陌一作陌上驚動洛陽人

長安道 崔顥

長安甲第高入雲誰家居住霍將軍日晚朝回擁賓從
路傍拜揖集作揖拜何紛紛莫言炙手手可熱須臾火盡灰

亦滅莫言貧賤即可欺人生富貴自有時一朝天子賜
顏色世上悠悠應始知

同前 孟郊

胡風激秦樹賤子風中泣家家朱門開得見不可入長
安十二衢投樹鳥亦急高閣何人家笙簧正喧吸

同前 顧况

長安道人無衣馬無草何不歸來山中老

同前 聶夷中

此地無駐馬夜中猶走輪所以路旁草少於衣上塵

同前 韋應物

漢家宮殿含雲煙兩宮十里相連延晨霞出沒弄丹闕

春雨依微自甘泉春雨依微春尚早長安貴遊愛芳草
寶馬橫來下建章香車却轉避馳道貴遊誰最貴衛霍
世難比何能蒙主恩幸遇邊塵起歸來甲第拱皇居朱
門峨峨臨九衢中有流蘇合歡之寶帳一百二十鳳皇
羅列含明珠下有錦鋪翠被之粲爛博山吐香五雲散
麗人綺閣情飄颻頭上駕釵雙翠翹低鬟曳袖回春雪
聚黛一聲愁碧霄山珍海錯棄藩籬烹犢魚羔如折葵
既請列侯封部曲還將金印授盧兒歡榮若此何所苦

但恐白日西南馳

同前 白居易

花枝缺處青樓開
豔歌一曲酒一杯
美人勸我急行樂
自古朱顏不再來
君不見外州客
長安道一回來一回老

同前 薛能

汲汲復營營
東西連兩京
關繻古若在山岳
累應成各
自有身事不相知
姓名交馳喧兼集作
衆類分散入重城

此路集作去

去無盡萬方人始集作旋

生空餘片言苦來往

覓劉楨

同前僧貫休

憧憧合合八表一轍黃塵霧合車馬火熱名湯風雨利
輶霜雪千車萬馱半宿闌月上有堯禹下有夔禹紫氣
銀輪兮常覆金闕仙掌捧日兮濁河澄澈愚將草木兮
有言與華封人兮不別

同前沈佺期

秦地平如掌層層出

集作入

雲漢樓閣九衢春車馬千門

旦綠柳開復合紅塵聚還散日晚鬪雞回經過狹斜看

梅花落

盧照鄰大角曲亦有

梅花落本笛中曲也按唐梅花小梅花等曲

梅嶺花初發天山雪未開雪處疑花滿花邊似雪回因風入舞袖雜粉向妝臺匈奴幾萬里春至不知來

同前

沈佺期

鐵騎幾時回金閨怨早梅雪中

一作寒

花已落風暖葉應

開夕逐新春管香迎小歲杯感

集作盛

時何足貴書裏報

輪臺

同前 劉方平

新歲芳梅樹繁苞

集作花

四面同春風吹漸落一夜幾枝

空小

集作少

婦今如此長城恨不窮莫將遼海雪來比後

庭中

紫騮馬 盧照鄰

騮馬照金鞍轉戰入皋蘭塞門風稍急長城水正寒雪
暗鳴珂重山長噴玉難不辭橫絕漠流血幾時乾

同前 李白

紫騮行且嘶雙鬣碧玉蹄臨流不肯渡似惜錦障泥白

雪關山

一作城

遠黃雲海樹

一作成

迷揮鞭萬里去安得念

一作變春閨

同前 李益

爭場看鬪雞白鼻紫騮

一作騮

嘶漳水春歸晚叢臺日向

低歌鞍珠作汗試劍玉如泥為謝紅梁燕年年妾獨棲

同前 秦韜玉

渥洼奇骨本難求，況是豪家重紫騮。臙大宜懸銀壓鈐。

勝

一作

力渾欺却

集作著

玉銜頭生獐，弄影風隨起。

集作步

蹀躞衝塵汗滿溝，若遇丈夫皆調御。

集作能控馭

任從騎

一作驅

取覓封侯。

驄馬

李羣玉曰驄馬驅

一

浮雲何權奇，絕足勢

一作世

未知長嘶青

集作清

海風躑躅

振雲絲，由來渥洼種。本是蒼龍兒，穆滿不再活。無人崑

閭騎君

集作若

識躍嶠怯寧勞，耀金羈青芻與白水空笑。

驚駘肥伯樂儻一見應驚耳長垂當思八荒外逐日向
瑤池

驄馬曲

紀唐夫

連錢出塞蹋沙蓬豈比當時御史驄逐北自諳深磧路
連嘶誰念靜邊功登山每與青雲合弄影應一作知碧

草同今日虜平將換妾不如一作知羅袖舞春風

雨雪曲

李端

天山一丈雪雜雨夜霏霏溼馬胡歌亂經烽漢火微丁

零蘇武別疎勒范羌歸若著

集作看

關頭過

集作下

長榆葉

定稀

同前

翁綬

邊聲四合殷河流
雨雪飛來徧隴頭
鐵嶺探人迷鳥道
陰山飛將溼貂裘
斜飄旌旆過戎帳
半雜風沙入戍樓
一自塞垣無李蔡
何人為解北門憂

劉生

盧照鄰

劉生氣不平
抱劍欲專征
報恩為豪俠
死難在橫行
翠

羽裝劔鞘黃金飾馬纓但令一顧重不吝百身輕

雍臺歌

溫庭筠

太子池南樓百尺八

一作八

宵新樹疎簾隔黃金鋪首畫

鈎陳羽葆亭童

集作停幢

拂交戟盤紆闌楯臨高臺帳殿臨

流鸞扇開早雁聲鳴細波起映花鹵簿龍飛回

捉搦歌

張祜

門上闌牆上棘窗中女子聲唧唧洛陽大道徒自直女
子心在婆舍側嗚嗚籠鳥觸四隅養男男娶婦養女女

嫁夫阿婆六十翁七十不知女子長日泣從他嫁去無
悵悵

幽州胡馬客歌

李白

幽州胡馬客綠眼虎皮冠笑拂兩隻箭萬人不可干彎
弓若轉月白雁落雲端雙雙掉鞭行遊獵向樓蘭出門
不顧後報國死何難天驕五單于狼戾好凶殘牛馬散
北海割鮮若虎餐雖居燕支山不道朔雪寒婦女馬上
笑顏如頰玉盤飀入

集作飛

射鳥獸花月醉雕鞍旄頭四

光芒爭戰若螭攢白刃灑赤血流沙為之丹名將古誰
是疲兵良可歎何時天狼滅父子得閒安一作安閒

白鼻騮

李白

銀鞍白鼻騮綠地障泥錦細雨春風花落時

一作春風細雨落花

時揮鞭且一作直就胡姬飲

同前

張祜

為底胡姬酒長來白鼻騮摘蓮拋水上郎意在浮花

御定全唐詩卷十八

—

欽定四庫全書

集部

御定全唐詩卷十九

詳校官庶吉士臣胡 鉉

主事銜臣徐以坤覆勘

總校官知縣臣繆 琪

校對官編修臣嚴 福

謄錄監生臣陳瞻 燧

欽定四庫全書

御定全唐詩卷十九

相和歌辭

相和舊曲緣行更相和執節者歌本一
部魏明帝分為二晉謂之清商三調唐

書樂志曰平調清調瑟調皆周房中曲之遺聲又
有楚調側調楚調者漢房中樂也側調者生於楚
調與前三調總謂之相和凡相和具
器有笙笛節鼓琴瑟琵琶箏七種

笙篴引

李賀相和有四引一曰笙篴引二曰
商引三曰徵引四曰羽引古有六引其

宮引角引二曲闕字唯笙篴
引有辭梁具五引有歌有辭

公乎公乎提壺將焉如屈平沈湘不足慕徐衍入海誠

為愚公乎公乎牀有菅席盤有魚北里有賢兄東鄰有
小姑隴畝油油黍與葫瓦甌濁醪蟻浮浮一作瓦甌濁
酒醪蟻浮
黍可食醪可飲公乎公乎其柰居被髮奔流竟何如賢
兄小姑哭嗚嗚

公無渡河

李白
曰瑩篴引

黃河西來決崑崙咆吼

集作
哮

萬里觸龍門波滔天竟咨

嗟大禹理百川兒啼不窺家殺湍湮洪水九州始蠶麻
其害乃去茫然風沙被髮之叟狂而癡清晨徑

集作
臨流

欲奚為旁人不惜妻止之公無渡河苦渡之虎可搏河
難憑公果溺死流海湄有長鯨白齒若雪山公乎公乎
挂骨於其間瑩篋所悲竟不還

同前

王建

渡頭惡天兩岸遠波濤塞川如疊坂幸無白刃驅向前
何用將身自棄捐蛟龍齧屍

集作骨

魚食血黃泥直下無

青天男兒縱輕婦人語惜君性命還須取婦人無力挽
斷衣舟沈身死悔難追公無渡河公

集有須字自為

同前 溫庭筠

黃河怒浪連天來大響砢砢如殷雷龍伯驅風不敢上

百川噴雪高崔嵬二十五

集作三

絃何太哀請公勿渡立

裹回下有狂蛟鋸為尾裂帆截擢磨霜齒神錐鑿石塞

神潭白馬趨趨赤塵起公乎躍馬揚玉鞭滅沒高蹄日

千里

同前 王獻

濁波洋洋兮凝曉霧公無渡河兮公苦

集作竟

渡風號水

激兮呼不聞提壺者入兮中流去浪擺衣裳兮隨步沒
沈屍深入兮蛟螭窟蛟螭盡醉兮君血乾推出黃沙兮
泛君骨當時君死妾何適遂就波瀾合魂魄願持精衛
銜石心窮取河源塞泉脈

江南曲

宋之問

妾住越城南離居不自堪採花驚曙鳥摘葉餒春蠶嬾
結茱萸帶愁安瑤瑁簪侍臣

集作
待君

消瘦盡日暮碧江潭

同前

劉昫虛

美人何蕩漾湖上風月

集作日

長玉手欲有贈裴回雙鳴

集作明

璫歌聲隨淥水怨色起朝

集作青

陽日暮還家望雲

波橫洞房

同前

丁仙芝

長干斜路北近浦是兒家有意來相訪明朝出浣紗發
向橫塘口船開值急流知郎舊時意且請攏船頭昨暝
逗南陵風聲波浪阻入浦不逢人歸家誰信汝未曉已
成妝乘潮去茫茫因從京口渡使報邵陵王始下芙蓉

樓言發琅邪岸急為打船開惡許傍人見

集作截句五首

同前八首

劉希夷

暮宿南洲草晨行北岸林日懸滄海濶水隔洞庭深
煙景無留意風波有異尋歲遊難極目春戲易為心
朝夕無榮遇芳菲已滿襟

豔唱潮初落江花露未晞春洲驚翡翠朱服弄芳菲
畫舫煙中淺青陽日際微錦帆衝浪濕羅袖拂行衣
含情罷所采相歎惜流暉

君為隴西客，妾遇江南春。朝遊含靈果，夕采弄風蘋。果氣時不散，蘋花日自新。以此江南物，持贈隴西人。空盈萬里懷，欲贈竟無因。

皓如楚江月，靄若吳岫雲。波中自皎鏡，山上亦氤

一作氤

氲。明月留照妾，輕雲持贈君。山川各離散，光氣乃殊分。

天涯一為別，江北自

集作不

相聞。

艤舟乘潮去，風帆振草涼。潮平見楚甸，天際望維揚。洄汭經千里，煙波接兩鄉。雲明江嶼出，日照海流長。此中

逢歲晏浦樹落花芳

暮春三月晴維揚吳楚城城臨大江
汜迴映洞浦清晴雲曲金閣珠樓
碧煙裏月明芳樹羣鳥飛風過長
林雜花起可憐離別誰家子於此
一至情何已

北堂紅草盛丰茸南湖碧水照芙
蓉朝遊暮起金花盡漸覺羅裳珠
露濃自惜妍華三五歲已歎關山
千萬重人情一去無還日欲贈懷
芳怨不逢

憶昔江南年盛時平生怨在長洲
曲冠蓋星繁湘江一作

水上衝風標落洞庭淥落花舞袖紅紛紛朝霞高閣洗
晴雲誰言此處嬋娟子珠玉為心以奉君

同前

于鵠

偶向江邊采白蘋還隨女伴賽江神衆中不敢分明語
暗擲金錢卜遠人

同前

李益

嫁得瞿塘賈朝朝誤妾期早知潮有信嫁與弄潮兒

同前

李賀

汀洲白蘋草柳憚乘馬歸江頭櫨樹香岸上蝴蝶飛酒
杯若葉露玉軫蜀桐虛朱樓通水陌沙暖一雙魚

同前

李商隱

郎船安兩漿儂舸動雙橈埽黛開宮額裁帟約楚腰乖
期方積思臨醉欲拚嬌莫以采菱唱欲羨秦臺簫

同前

韓翃

長樂花枝雨點消江城日暮好相邀春樓不閉歲蕤鎖
綠水回通宛轉橋

同前 溫庭筠

妾家白蘋浦日上芙蓉檝
輶輶搖漿聲移舟入菱葉
溪長菱葉深作底難相尋
避郎郎不見鷓鴣自浮沈
拾萍萍無根米蓮蓮有子
不作浮萍生寧作集作藕花死岸

傍騎馬郎烏帽紫遊韉
含愁復含笑回首問橫塘
妾住

金陵步

集作浦

門前朱雀航流蘇持作帳
芙蓉持作梁出

入金犢憶兄弟侍中郎
前年學歌舞定得郎相許
連娟眉繞山依約腰如杵
鳳管悲若咽鸞絃嬌欲語
扇薄露

紅鈿羅輕壓金縷明月西南樓珠簾瑤瑁鉤橫波巧能
笑鸞蛾不識愁花開子留樹草長根依土早聞金溝遠
底事歸郎許不學楊白花朝朝淚如雨

同前 張籍

江南人家多橘樹吳姬舟上織白紵土地卑溼饒蟲蛇
連木為牌入江住江村亥日長為市落帆渡橋來浦裏
青莎覆城竹為屋無井家家飲潮水長江午日酤春酒
高高酒旗懸江口倡樓兩岸懸水柵夜唱竹枝留北客

江南風土歡樂多悠悠處處盡經過

同前 羅隱

江煙溼雨鮫綃軟漠漠遠山眉黛淺水國多愁又有情
夜槽壓酒銀船滿綳絲採怨

集作細
抑搖煙

凝曉空吳王臺榭

春夢中鴛鴦鷓鴣驚喚不起平鋪淥水眠東風西陵路邊
月悄悄油壁輕車嫁蘇小

集作香車
蘇小小

同前 陸龜蒙

為愛江南春涉江聊采蘋水深煙浩浩空對雙車輪車

輪明月圓車蓋浮雲盤雲月徒自好水中行路難遙遙
洛陽道夾岸生春草寄語擢船郎莫誇風浪好

同前

陸龜蒙
古辭為五解 廣

魚戲蓮葉間參差隱葉扇鷓鴣鴉鵲窺潏澹無因見
魚戲蓮葉東初霞射紅尾傍臨謝山側恰值清風起
魚戲蓮葉西盤盤舞波急潛依曲岸涼正對斜光入
魚戲蓮葉南欹危午煙疊光搖越鳥巢影亂吳娃櫂
魚戲蓮葉北澄陽動微漣回看帝子渚稍背鄂君船

度關山 李端

雁塞日初晴

狐集作

關雪復平危

樓集作

緣廣漠古竇

傍長城拔

拂集作

劒金星出彎弧玉羽鳴誰知係虜者賈

誼是書生

關山曲 馬戴

金鎖

甲集作

耀兜鍪黃雲

金集作

拂紫駟叛羌旗下戮陷壁

夜中收霜霰戎衣故關河磧氣秋箭創殊未合更遣擊

蘭州

火發龍山北中宵易左賢勒兵臨漢水驚雁落胡天木
落防河急軍孤受敵偏猶聞漢皇怒按劍待開邊

登高丘而望遠

李白

登高丘而

集無而字

望遠海六鼇骨已霜三山流安在扶桑

半摧折白日沈光彩銀臺金闕如夢中秦皇漢武空相
待精衛費木石鼃鼃無所憑君不見驪山茂陵盡灰滅
牧羊之子來攀登盜賊劫寶玉精靈竟何能窮兵黷武
今如此鼎湖飛龍安可乘

萬里僧貫休

免不遲烏更急但恐穆王八駿著鞭不及所以萬里墳
出叢叢氣凌雲天龍騰鳳集盡為風消土喫狐掇蟻拾
黃金不啼玉不泣白楊騷屑亂風愁月折碑石人莽穢
榛沒牛羊窸窣時見牧童兒弄枯骨

輓歌趙微明

寒日蒿上明淒淒郭東路素車誰家子丹旌引將去原
下荊棘叢叢邊有新墓人間痛傷別此是長別處曠野

何蕭條青松白楊樹

同前二首

于鵠

陰風吹黃蒿輓歌渡秋水車馬却歸城孤墳月明裏
雙轍出郭門縣縣東西道送死多於生幾人得終老見
人切肺肝不如歸山好不聞哀哭聲默默安懷抱時盡
從物化又免生憂擾世間壽者稀盡為悲傷惱

同前

孟雲卿

草草門巷喧塗車儼成位冥冥何所須盡我生人意北

邛路非

一作不

遠此別終天地臨穴頻撫棺至哀反無淚

爾形未衰老爾息猶

集作纔

童穉骨肉不

一作安

可離皇天

若容易房帷即虛張

集作靈帳

庭宇為哀次讙露歌若斯人

生盡如寄

同前

白居易

丹旄何飛揚素驂亦悲鳴晨光照閭巷輜車儼欲行蕭
條九月天哀輓出重城借問送者誰妻子與弟兄蒼蒼
上古原峨峨開新塋含酸一慟哭異口同哀聲舊壠轉

蕪絕新墳日羅列春風草綠北邙山此地年年生死別

對酒

崔國輔

行行日將夕荒村古冢無人跡朦朧

集作蒙籠

荊棘一鳥飛

屢唱提壺酤酒喫古人不達酒不足遺恨精靈傳此曲
寄言當代諸少年平生且盡杯中渌

同前二首

李白

松子棲金華安期入蓬海此人古之仙羽化竟何在浮
生速流電倏忽變光彩天地無凋換容顏有遷改對酒

不肯飲含情欲誰待

勸君莫拒杯春風笑人來桃李如舊識傾花向我開流

鶯啼碧樹明月窺金罍昨來

集作日

朱顏子今日白髮催

棘生石虎殿鹿走姑蘇臺自古帝王宅城闕閉黃埃君若不飲酒昔人安在哉

陌上桑

李白

美人渭橋東

一作綺衣

春還事蠶作五馬如飛龍

一作如花

青絲結金絡不知誰家子調笑來相謔妾本秦羅敷玉

顏豔名都綠條映素手采桑向城隅使君且不顧況復
論秋胡寒蠶愛碧草鳴鳳棲青梧託心自有處但怪傍
人愚徒令白日暮高駕空踟躕

同前

常建

翳翳陌上桑南枝交北堂美人金梯出素手自提筐非
但畏蠶飢盈盈嬌路傍

同前

陸龜蒙

皓齒還如貝色

一作光

含長眉亦似煙華貼

一作帖

鄰娃盡

著繡襦獨自提筐采蠶葉

采桑

郎大家宋氏

春來南雁歸日去西蠶遠妾思紛何極客遊殊未返

同前

劉希夷

楊柳送行人青青西入秦秦

集作誰

家采桑女樓上不勝

春盈盈灞水曲步步春芳綠紅臉耀明珠絳脣含白玉

回首渭橋東遙憐樹

一作春

色同青絲嬌落日細綺弄春

風攜籠長歎息逶迤戀春色看花若有情倚樹疑無力

薄暮思悠悠使君南陌頭相逢不相識歸去夢青樓

同前

李彥暉

采桑畏日高不待春眠足攀條有餘愁那矜貌如玉千金豈不贈五馬空躑躅何以變真性幽篁雪中綠

同前

王建

鳥鳴桑葉間葉綠條復柔

集作綠條復柔柔

攀看去手近放下

長長鈎黃花蓋野田白馬少年遊所念豈回顧良人在
高樓

日出行

李白

日出東方隈似從地底來歷天又入海六龍所舍安在哉其始與終古不息

一作其行終古不休息

人非元氣安能與之

久衰回草不謝榮於春風木不怨落於秋天誰揮鞭策驅四運萬物興歇皆自然羲和羲和汝奚汨沒於荒淫之波魯陽何德駐景揮戈逆道違天矯誣實多吾將囊括大塊浩然與溟津同科

同前

李賀

白日下崑崙發光如舒絲徒照葵藿心不照遊子悲折

折黃河曲日從中央轉腸谷耳曾聞若木眼不一作見

奈何集作鏢石胡為銷人羿彎弓屬矢那不中足令久

不得奔詎教晨光夕昏

王昭君崔國輔此本中朝舊曲唐為吳聲蓋

曲

漢使南還盡胡中妾獨存紫臺縣望絕秋草不堪論

同前崔國輔

一回望月一回悲望月月移人不移何時得見漢朝使
為妾傳書斬畫師

同前

盧照鄰

合殿恩中絕交河使漸稀肝腸辭玉輦形影向金微漢
宮草應綠胡庭沙正飛願逐三秋雁年年一度歸

同前

駱賓王

斂容辭豹尾緘怨度龍鱗金鈿明漢月玉箸染胡塵妝
鏡菱花暗愁眉柳葉頰惟有清笳曲時聞芳樹春

同前

沈佺期

非君惜鸞殿非妾妬蛾眉薄命由驕虜無情是畫師嫁

來邊地惡

集作日

不竝漢宮時心苦無聊賴何堪上馬辭

同前

梁獻

圖畫失天真容華坐誤人君恩不可再妾命在和親淚
點關山月衣銷邊塞塵一聞陽鳥至思絕漢宮春

同前

上官儀

玉關春色晚金河路幾千琴悲桂條上笛怨柳花前霧

掩臨妝月風驚入鬢蟬
緘書待還使淚盡白雲天

同前 董思恭

琵琶馬上彈行路曲中難
漢月正南遠燕山直北寒

鬢風拂散

一作亂

眉黛雪霑殘斟酌紅顏盡

集作改

何勞鏡

裏者

同前 顧朝陽

莫將鉛粉匣不用鏡花光
一去邊城路何情更畫妝
影銷胡地月衣盡漢宮香
妾死非關命祇一作都緣怨斷腸

同前三首

東方虬

漢道初全盛朝廷足武臣何須薄命妾辛苦遠事集作和

親

拚涕

集作淚

辭丹鳳銜悲向白龍單于浪驚喜無復舊時

容

胡地無花草春來不似春自然衣帶緩非是為腰身

同前三首

郭元振

自嫁單于國長街漢掖悲容顏日顯賴有甚畫圖時

厭踐冰霜域嗟為邊塞人思從漢

集作漢

南獵一見漢家

塵

聞有南河信傳聞殺畫師始知君惠

集作念

重更遣畫

集作

肯惜蛾眉

同前 劉長卿

自矜妖豔色不顧丹青人那知粉纈能相負却使容華
翻誤身上馬辭君嫁驕虜玉顏對人啼不語北風雁急
浮清

一作雲

秋萬里獨見黃河流纖腰不復漢宮寵雙蛾

長向胡天愁琵琶絃中苦調多蕭蕭羌笛聲相和可憐
一曲傳樂府能使千秋傷綺羅

同前二首

李白

漢家秦地月流影照

一作送

明妃一上玉關道天涯去不

歸漢月還從東海出明妃西嫁無來日燕支長寒雪作
花蛾眉顚顚沒胡沙生乏黃金枉圖畫死留青冢使人
嗟

昭君拂玉鞍上馬啼紅頰今日漢宮人明朝胡地妾

同前

儲光義

日暮驚沙亂雪飛，傍人相勸易羅衣。
強來前帳集作殿者。

歌舞共待單于夜獵歸。

同前

僧皎然

自倚嬋娟望主恩，誰知美惡忽相翻。
黃金不買漢宮貌，青冢空埋胡地魂。

同前二首

白居易

滿面胡沙滿鬢風，眉銷殘黛臉銷紅。
愁苦辛勤顙顙盡。

如今却似畫圖中

漢使却回憑寄語黃金何日贖蛾眉君王若問妾顏色
莫道不如宮裏時

同前

令狐楚

錦車天外去毳幕雲中開魏闕蒼龍遠蕭關赤雁哀

同前

張仲素

仙蛾今下嫁驕子自同和劒戟歸田盡牛羊繞塞多

同前

李商隱

毛延壽畫欲通神忍為黃金不為集作人馬上琵琶行

萬里漢宮長有隔生春

明妃曲

王偃

北望單于日半斜明君馬上泣胡沙一雙淚滴黃河水
應得東流入漢家

昭君詞

張文琮

戒途飛萬里回首望三秦忽見天山雪還疑上苑春玉
痕垂淚粉一作粉淚羅袂拂胡塵為得胡中曲還悲遠嫁人

同前

陳昭

跨鞍今永訣垂淚別親賓
漢地行將遠胡關逐望新
交河擁塞路隴首暗沙塵
唯有孤明月猶能遠送人

同前

戴叔倫

漢宮若遠近路在沙塞

集作寒沙

上到死不得歸何人共南

望

同前

李端

李陵初送子卿回漢月明明照帳

集作惆悵

來憶著長安舊

遊處千門萬戶玉樓臺

楚妃歎

張籍

湘雲初起江沈沈
君王遙在雲夢林
江南雨多旌旗暗
臺下朝朝春水深
章華殿前朝萬國
君心獨自終無集
終無極
楚兵滿地能逐禽
誰用一身繼集作
筋力西江若
翻雲夢中麋鹿死
盡應還宮

楚妃怨

張籍

梧桐葉下黃金井
橫架輓轡牽素綆
美人初起天未明

手拂銀餅秋水冷

王子喬

宋之問

王子喬愛神仙七月七日上賓天白虎搖瑟鳳吹笙乘
騎雲氣吸日精吸日精長不歸遺廟今在人非空望

山頭草草露溼君

集作人衣

蜀國弦

李賀四弦古有四曲其張女四弦李延年四弦嚴卯四弦三曲闕止傳蜀國

四弦一曲

楓香晚華靜錦水南山影驚石墜猿哀竹雲愁半嶺涼

月生秋浦玉沙鱗鱗

集作
鄰鄰

光誰家紅淚客不忍過瞿塘

長歌行

李白 此後並平調曲其器有笙
笛筑瑟琴箏琵琶七種歌弦六部

桃李得

集作
待

日開榮華照當年東風動百物草木盡欲

言枯枝無醜葉涸水吐清泉大力運天地義和無停鞭
功名不早著竹帛將何宣桃李務青春誰能貫白日富
貴與神仙蹉跎成兩失金石猶銷鑠風霜無久質畏落
日月後強歡歌與酒秋霜不惜人倏忽侵蒲柳

同前

王昌齡

曠野饒悲風
颼颼黃

一作多

蒿草繫馬停
白楊誰知我懷

抱所是同袍
者相逢盡哀

一作哀

老況登漢家
陵南望長

安道下有枯
樹根上有麟

一作麟

鼠窠高皇子
孫盡千古

無人過寶玉
頻發掘精靈
其柰何人生
須達命有酒
且

長歌

短歌行

聶夷中
歌其歌聲有長短

八月木陰

集作陰

薄十葉三墮
枝人生過五
十亦已同此

時朝出東郭
門嘉樹鬱參
差暮出西郭
門原草已離
披

南鄰好臺榭北鄰善歌吹榮華忽消歇四顧令人悲生
死與榮辱四者乃常期古人恥其名沒世無人知無言
鬢似霜勿謂髮集作事如絲耆年無一善何殊食乳兒

同前

李白

白日何短短百年苦易滿蒼穹浩茫茫萬劫太極長麻
姑垂兩鬢一半已成霜天公見玉女大笑億千場吾欲
攬六龍回車挂扶桑北斗酌美酒勸龍各一觴富貴非
所願為一作與人駐一作集作積一作流光

同前六首

顧况 英
華作三首

城邊路今人犁田昔人墓岸上沙昔時

集作日

江水今人

家今人昔人共長歎四氣相催節回換明月皎皎入華

池白雲離離度清

集作漢
霄

我欲升天天隔霄我思渡水水無橋我欲上山山路險

我欲汲井井泉遙越人翠被今何夕獨立沙邊江草碧

紫燕西飛欲寄書白雲何處逢來客

以上二首英
華合作一首

新紫青絲百尺繩心在君家轆轤上我心皎潔君不知

轆轤一轉一惆悵

何處春風吹曉幕江南綠水通朱閣美人二八面如花

泣向東

集作春

風畏花落

臨春風聽春鳥別時多見時少愁人夜永

一作一夜

不得眠

瑤井玉繩相向曉

以上三首英華合為一首

軒轅皇帝初得仙鼎湖一去三千年周流三十六洞天

洞中日月星辰連騎龍駕景遊八極軒轅弓劍無人識

東海青童寄消息

同前 王建

人初生日初出上山遲下山疾百年三萬六千朝夜裏
分將彊半日有歌有舞間集作早為昨日健於今日時
人家見生男女好不知男女催人老短歌行無樂聲

同前 張籍

青天蕩蕩高且虛上有白日無根株流光暫出還入地
催我少年不須臾與君相逢不寂寞衰老不復如今樂
玉卮盛酒置君前再拜願君千萬年

同前二首 白居易

瞳瞳太陽如火色上行千里下一刻出為白晝入為夜
圓轉如珠住不得住不得可奈何為君舉酒歌短歌歌
聲苦詞亦苦四座少年君聽取今夕未竟明夕催秋風
纔往春風回人無根蒂時不駐朱顏白日相隳頽勸君
且強笑一面勸君復且集作強飲一杯人生不得長歡樂
年少須臾老到來

世人求富貴多為身

集作奉

嗜欲盛衰不自由得失常相

逐問君少年日苦學將千祿負笈塵中遊抱書雪前宿

布衾不周體藜茹

集作茹

纔充腹三十登官

集作仕

途五十

被朝服奴溫已

集作新

挾纊馬肥初食粟未敢議歡遊尚

為名檢束耳目聾暗後堂上調絲竹牙齒缺落時盤中

堆酒肉彼來此已去外餘中不足少壯與榮華相避如

寒燠青雲去地遠白日終

集作經

天速從古無柰何短歌

聽一曲

同前

陸龜蒙

爪牙在身上陷穽猶可制爪牙在胃中劒戟無所畏人
言畏猛虎誰是撩頭斃祇見古來心姦雄暗相噬

同前

僧皎然

古人若不死吾亦何所悲蕭蕭煙雨九原上白楊青松
葬者誰貴賤同一塵死生同一指人生在世共如此何
異浮雲與流水短歌行短歌無窮日已傾鄴宮梁苑徒
有名春草秋風傷我情何為不學金仙侶一悟空王無
死生

銅雀臺

王無競

北登銅雀上西望青松郭
總帳空蒼蒼陵田紛漠漠
平生事已變歌吹宛猶昨
長袖拂玉塵遺情結羅幕
妾怨在朝露君恩豈中薄
高臺奏曲終曲終淚橫落

同前

鄭愔

日斜漳浦望風起鄴臺寒
玉座平生晚金尊妓吹闌舞
餘依帳泣歌罷向陵看
蕭索松風暮愁煙入井闌

同前

劉長卿

嬌愛更何日高臺空數層含啼映雙袖不忍看西陵漳
河東流無復來百花輦路為蒼苔青樓月夜長寂寞碧
雲日暮空裏回君不見鄴中萬事非昔時古人何集作不
在今人悲春風不逐君王去草色年年舊宮路宮中歌
舞已浮雲空指行人往來處

同前

賈至

日暮銅雀靜西陵鳥雀歸撫絃心斷絕聽管淚霏霏靈
几臨朝奠空牀卷夜衣蒼蒼川上月應照妾魂飛

同前

羅隱

強歌強舞竟難勝
花落花開淚滿絰
祇合當年伴君死
免教顚顚望西陵

同前

薛能

魏帝當時銅雀臺
黃花深映棘叢開
人生富貴須回首
此地豈無歌舞來

同前

張氏琰

君王冥冥不可見
銅雀歌舞空裴回
西陵嘖嘖悲宿鳥

空

集作萬

殿沈沈閉青苔青苔無人迹紅粉空相

集作自

哀

同前

梁氏瓊

歌扇向陵開齊行莫玉杯舞時飛燕列夢裏片雲來月
色空餘恨松聲暮更哀誰憐未死妾掩袂下銅臺

銅雀妓

王勃

妾本深宮妓曾城閉九重君王歡愛盡歌舞為誰容錦
衾不復襞羅衣誰再縫高臺西北望流涕向青松

金鳳鄰銅雀漳河望鄴城君王無處所臺榭若平生舞

筵紛可

集作何

就歌梁儼未傾西陵松楨冷誰見綺羅情

同前

沈佺期

昔年分鼎地今日望陵臺一旦雄圖盡千秋遺令開綺羅君不見歌舞空來恩共漳河水東流無重迴

同前

喬知之

金閣惜分香鉉華不重妝空餘歌舞地猶是為君王哀絃調已絕豔曲不須長共看西陵暮秋煙生

集作起

白楊

同前

王適

日暮銅雀迴幽聲

一作深

玉座清蕭森松柏望委鬱綺羅

情君恩不再重

一作得

妾舞為誰輕

同前

歐陽詹

蕭條登古臺回首黃金屋落葉不歸林高陵永為谷
妝容徒自麗舞態閑誰目惆悵總惟前

集作空

歌聲苦於哭

同前

袁暉

君愛本相饒從來事

一作似

舞腰那堪攀玉座腸斷望陵

朝怨著情無主哀凝曲不調况臨松日暮悲吹坐蕭蕭

同前

劉商

魏主矜蛾眉美人美於玉高臺無晝夜歌舞竟未足盛

色如轉圜夕陽落深

一作空

谷仍令身歿後尚足

集作縱

平

生慙紅粉橫淚痕

集作淚縱橫

調絃空向

集作向空

屋舉頭君不

在唯見西陵木玉輦豈再來嬌鬢為誰綠那堪秋風裏

更舞陽春曲曲終

一作罷

情不勝闌干向西哭臺邊生野

草來去冒羅縠況復陵寢間雙雙見麋鹿

同前

李賀

佳人一壺酒秋容滿千里石馬卧新煙憂來何所似歌聲且潛弄陵樹風自起長裾壓高臺淚眼看花机

同前

吳燭

秋色西陵滿綠蕪繁絃

一作紅

急管彊歡娛長舒羅袖不

成舞却向風前承淚珠

同前

朱光弼

魏王銅雀妓日暮管絃清一見西陵樹悲心舞不成

同前

朱放

恨唱歌聲咽愁翻舞袖遲西陵日欲暮是妾斷腸時

同前

僧皎然

強開尊酒向陵看憶得君王舊日歡不覺餘歌悲自斷
非關豔曲轉聲難

雀臺怨

馬戴

魏宮歌舞地蝶戲鳥還鳴玉座人難到銅臺雨滴平西
陵樹不見漳浦草空生萬恨盡埋此徒懸千載名

同前

程氏長文

君王去後行人絕簫竽

集作
箏

不響歌喉咽雄劍無威光

彩沈寶琴零落金星滅玉階寂寂墜秋露月照當時歌
舞處當時歌舞人不迴化為今日西陵灰

置酒行

李益

置酒命所歡憑觴遂為戚日往不再來茲辰坐成昔百
齡非長久五十將半百胡為勞我形已鬚還復白西山
鸞鶴顧集作
羣矯矯煙霧翮明霞發金丹陰洞潛水碧安
得凌風羽崦嵫駐靈魄集作
無然坐衰老慙歎東陵柏

同前

陸龜蒙

落塵花片排香痕
闌珊醉露棲愁魂
洞庭波色惜不得
東風領入黃金尊
千筠擲毫春譜大
碧舞紅啼相唱和
安知寂寞西海頭
青履未垂孤鳳餓

長歌續短歌

李賀

長歌破衣襟
短歌斷白髮
秦王不可見
旦夕成內熱
渴飲壺中酒
飢拔隴頭粟
淒淒四月蘭
千里一時綠
夜峰何離離
月明落石底
裴回沿石尋
照出高峰外
不得與

之遊歌成鬚先改

猛虎行

儲光義

寒亦不憂雪飢亦不食人人血

集作肉

豈不甘所惡傷明

神太室為我宅孟門為我鄰百獸為我膳五龍為我賓

蒙馬一何威浮江亦

集作一

以仁綵章耀朝日牙爪雄武

臣高雲逐氣浮厚地隨聲振

集作震

君能賈餘勇日夕長

相親

同前

李白

朝作猛虎行暮作猛虎吟腸斷非關隴頭水淚下不為

雍門琴旌旗

一作旌旗

繽紛兩河道戰鼓驚山欲傾

集作顛

倒

秦人半作燕地囚胡馬飜銜洛陽草一輸一失闕下兵

朝降夕叛幽薊城巨鼇未斬海水動魚龍奔走安得寧

頗似楚漢時飜覆無定止朝過博浪沙暮入淮陰市張

良未遇韓信貧劉項存亡在兩臣暫到下邳受兵略來

投漂母作主人賢哲栖栖古如此今時亦棄青雲士有

策不敢犯龍鱗竄身南國避胡塵寶書長

一作玉

劍挂高

閣金鞍駿馬散故人昨日方為宣城客掣鈴交通二千

石有時六博快壯

一作寸

心繞牀三市呼一擲楚人每道

張旭竒心藏風雲世莫知三吳邦伯多

一作皆

顧盼四海

雄俠皆相推

一作兩追隨

蕭曹曾作沛中吏攀龍附鳳當有

時溧陽酒樓三月春楊花漠漠

一作茫茫

愁殺人胡人

集作雛

綠眼吹玉笛吳歌白紵飛梁塵丈夫相見

一作到處

且為樂

槌牛過鼓會衆賓我從此去釣東海得魚笑寄情相親

同前

韓愈

猛虎雖云惡亦各有匹儕羣行深谷間百獸望風低身

食黃熊父子食赤豹麋擇肉於熊羆

集作豹

肯視兔與狸

正晝當谷眠眼有百步威自矜無當對氣性縱以乖朝

怒殺其子暮還飧

一作食

其妃匹儕四散走猛虎還孤棲

狐鳴門四旁鳥鵲從噪之出逐猴

一作雅

入居虎不知所

歸誰云猛虎惡中路正悲啼豹來銜其尾熊來攫其頤

猛虎死不辭但慙前所為虎坐無助死況如汝細微故

當結以信親當結以私親故且不保人誰信汝為

同前 張籍

南山北山樹冥冥猛虎白日繞林行向晚一身當道食
山中麋鹿盡無聲年年養子在深谷雌雄上山不相逐
谷中近窟有山村長向村家取黃犢五陵年少不敢射
空來林下看行跡

同前 李賀

長戈莫春彊

集作長

弩莫烹

集作拌

乳孫哺子教得生獐舉

頭為城掉尾為旌東海黃公愁見夜行道逢騶虞牛哀

不平生何用尺刀
壁上雷鳴泰山之下
婦人哭聲官家有
程吏不敢聽

同前

僧齊已

磨爾牙錯爾爪
狐莫威兔莫狡
飢來吞噬取腸飽
橫行不怕日月明
皇天產爾為生靈
前村半夜聞吼聲
何人按劍燈熒熒

君子行

僧齊已

聖人不生麟龍何瑞
梧桐不高鳳皇何止
吾聞古之有

君子行藏以時進退求已榮必為天下榮恥必為天下

恥苟進不如此

集有退不如此四字

亦何必用虛偽之文章取榮

名而自美

燕歌行

高適

漢家煙塵在東北漢將辭家破殘賊男兒本自重橫行
天子非常賜顏色擬金伐鼓下榆關旌旗逶迤碣石間
校尉羽書飛瀚海單于獵火照狼山山川蕭條極邊土
胡騎憑陵雜風雨戰士軍前半死生美人帳下猶歌舞

大漠窮秋塞草衰

集作
非

孤城落日鬪兵稀
身當恩遇常

集作
恒

輕敵力盡關山未解圍
鐵衣遠戍辛勤久
玉箸應

啼別離後少婦城南欲斷腸
征人薊北空回首
邊風飄

飄

集作
飄

那可度絕域蒼茫更何

一作
無所

有殺氣三日

集作
時

作陣雲寒聲一夜傳
刀斗相看白刃血紛紛
死節從來
豈顧勲君不見沙場征戰苦
至今猶憶李將軍

同前

賈至

國之重鎮惟幽都
東威九夷制北

集作
北制

胡五軍精卒三

十萬百戰百勝擒單于前臨溱沔後沮

集作易

水崇山沃

野亘千里昔時燕王重賢士黃金築臺從隗始倏忽興

王定薊丘漢家又以封王侯蕭條魏晉為橫流鮮卑竊

據朝五州我唐區夏餘十紀軍容武備赫萬祀彤弓黃

鉞授元帥墾耕大漠為內地李秋膠折邊草腓治兵羽

獵因出師千營萬隊連旌旗望之如火忽雷

一作電

馳匈

奴懾竄窮髮北大荒萬里無塵飛

此下集有君不見三字

隋家昔

為天下宰窮兵黷武征遼海南風不競多死聲鼓卧旗

折黃雲橫六軍將士皆死盡戰馬空鞍歸故營時遷

集作

移道革天下平白環入貢滄海清自有農夫已高枕無

勞校尉重橫行

同前 陶翰

請君留楚調聽我吟燕歌家在遼水頭邊風意氣多出
身為漢將正值戎未和雪中凌天山冰上渡交河大小
百餘戰封侯竟蹉跎歸來霸陵下故舊無相過雄劍委
塵匣空門唯

集作
垂

崔羅玉簪還趙女寶瑟付齊娥昔日

不為樂時哉今柰何

從軍行二首

虞世南

塗山烽候驚弭節度龍城冀馬樓蘭將燕犀上谷兵
劒寒花不落弓曉月逾明凜凜嚴霜節冰壯黃河絕蔽日
卷征蓬浮天散飛雪全兵值月滿精騎乘膠折結髮早
驅馳辛苦事旌麾馬凍重關冷輪摧九折危獨有西山
將年年屬數奇

燿

一作

火發金微連營出武威孤城寒雲起絕陣虜塵

飛俠客吸龍劍惡少縵胡衣朝摩骨都壘夜解谷蠡圍
蕭關遠無極蒲海廣難依沙磴離旌斷晴川候馬歸交
河梁已畢燕山旆欲飛

集作揮

方知萬里相侯服有光輝

同前

駱賓王

平生一顧念

一作重

意氣溢三軍野日分戈影天星合劍

丈弓弦抱漢月馬足踐胡塵不求生入塞唯當死報君

同前

劉希夷

秋來

集作天

風瑟瑟

集作颯颯

羣馬胡

集作胡馬

行疾嚴城晝不開

伏兵暗相失天子廟堂拜將軍玉

集作凶

門出紛紛伊洛

間

集作道

戎馬數千

集作幾萬

匹軍門壓黃河兵氣衝白日平

生懷伏

集作伏

劒忼慨既

集作即

投筆南登漢月孤北走燕

集作代

雲密近取韓彭計早知孫吳術丈夫清萬里誰能

埽一室

同前

喬知之

南庭結白露北風埽黃葉此時鴻雁來驚鳴催思妾曲
房理鉞線平碁擣文練駕綺裁易成龍鄉信難見窈窕

九重閨寂寞十年啼紗窗白雲宿羅幌月光棲雲月曉

集作
隱

微微愁思

集作
夜上

流黃機玉霜凍珠履金吹薄羅衣

漢家已得地君去將何事宛轉結蠶書寂寞無雁使生
平荷恩信本為容華進況復落紅顏蟬聲催綠鬢

同前 李頎

白日登山望烽火昏黃

集作
黃昏

飲馬傍交河行人刀斗風

沙暗公主琵琶幽怨多野營

集作
雲

萬里無城郭雨雪紛

紛連大漠胡雁哀鳴夜夜飛胡兒眼淚雙雙落聞道玉

門猶被遮應將性命逐輕車
年年戰骨埋荒外空見蒲
萄入漢家

同前三首

李約

看圖閒教陣畫地靜論邊
烏壘天西戍鷹姿塞上川
路

長須

集作唯

算日

集作月

書遠每題年無復生還望
虬思未

別前

柵高

集作壕

三面鬪箭盡舉烽頻營柳
和煙暮關榆帶雪

春邊城多老将磧路少歸人
點

集作殺

盡三

集作金

河卒年

年添塞塵

候火起雕城塵砂擁戰聲遊軍藏漢幟降騎說蕃情霜

降泥池

集作落
薄沱

淺秋深太白明嫖姚方虎視不學請

集作

說
添兵

同前

戎昱

昔從李都尉雙韃照馬蹄擒生黑山北殺敵黃雲西太
白沈虜地邊草復萋萋歸來邯鄲市百尺青樓梯感激
然諾重平生膽力齊芳筵暮歌發豔粉輕鬟低半醉

集作

酬
秋風起鐵騎門前嘶遠戍報烽火孤城嚴鼓鼙揮鞭
望塵去少婦莫含啼

同前

屬玄

邊草早

集作
早

不春劍花增濶

集作
野

塵廣

集作
戰

場收驥尾

清瀚怯龍鱗帆色已歸越松聲厭避秦幾時逢范蠡處
處是通津

同前二首

李白

從軍玉門道逐虜金微山笛奏梅花落刀開明月環鼓

聲鳴海上兵氣擁雲間願斬單于首長驅靜鐵關

百戰沙場碎鐵衣城南已合數重圍突營射殺呼延將
獨領殘兵千騎歸

同前 王維

吹角動行人喧喧行人起笳鳴

集作悲

馬嘶亂爭渡金河

水日暮沙漠垂戰聲煙塵裏盡繫名王頸歸來報

集作獻

天子

同前 王昌齡

向夕臨大荒朔風軫歸慮平沙萬里餘飛鳥宿何處
騎獵長原翩翩傍河去邊聲搖白草海氣生黃霧百戰
苦風塵十年履霜露雖投定遠筆未坐將軍樹早知行
路難悔不理章句

烽火城西百尺樓黃昏獨上海風秋更吹橫集作羌笛關

山月誰解

集作無那

金閨萬里愁

琵琶起舞換新聲總是關山舊別情撩亂邊愁彈

集作聽

不盡高高秋月下長城

青海長雲暗雪山孤城遙望雁

一作玉

門關黃沙百戰穿

金甲不破樓蘭終不還

同前 盧綸

二十在邊城軍中得勇名卷旗收敗馬斷

集作占

磧擁殘

兵覆陣烏鵲起燒山草木明

一作鳴

塞閒思遠獵師老厭

分營雪嶺無人迹冰河足

一作有

雁聲李陵甘此沒惆悵

漢公卿

同前六首

劉長卿

迴看虜騎合城下漢兵稀白刃兩相向黃雲愁不飛手
中無尺鐵徒欲突重圍

落日更蕭條北方

集作風

動枯草將軍追虜騎夜失陰山

道戰敗仍樹勳韓彭但空老

草枯秋塞上望見漁陽郭胡馬嘶一聲漢兵淚雙落誰

為吮癰

集作瘡

者此事令人薄

目極雁門道青青邊草春一身事征戰匹馬同辛勤

集作

平若末路成白首功歸天下人

倚劒白日暮望鄉登戍樓北風吹羌笛此夜關山愁迴
首不無意滹河空自流

黃沙一萬里白首無人憐報國劒已折歸鄉身幸全單
于古臺下邊色寒蒼然

同前

杜顥

秋草馬蹄輕角弓持弦急去為龍城候正值胡兵襲軍
氣橫大荒戰酣日將入長風金鼓動白霧

集作露

鐵衣溼

四起愁邊聲南轅時佇立斷蓬孤自轉寒雁飛相及萬

里雲沙漲路平

集作平川

冰霰澀

集作澀

夜間漢使歸獨向刀

環泣

同前

僧皎然

候騎出紛紛元戎霍冠軍漢鞞秋聒地羌火晝燒雲萬里戍城合三邊羽檄分烏孫驅未盡肯顧遼陽勲

漢旆拂丹霄漢軍新破遼紅塵驅鹵簿白羽擁嫖姚戰苦軍猶樂功高將不驕至今丁令塞朔吹空蕭蕭

百萬逐呼韓頻年不解鞍兵屯絕漠暗馬飲濁河乾破

虜功未錄勞師力已殫須防肘腋下飛禍出無端

飛將下天來奇謀間外裁水心龍劍動地肺雁山開望
氣燕師銳當鋒虜陣摧從今射鵬騎不敢過雲堆

黃紙君王詔青泥校尉書誓師張虎落選將擐犀渠霧

暗津浦

集作蒲

失天寒塞柳疎橫行十萬騎欲埽虜塵餘

同前 王建

漢軍逐單于日沒處河曲浮雲道傍起行子車下宿槍
城圍鼓角擅帳依山谷馬上懸壺漿刀頭分頓集作肉

來時高堂上父母親結束回首

一作面

不見家風吹破衣

服金創生

集作在

肢節相與拔

一作取

箭鏃聞道西涼州家

家婦人

集作女

哭

同前

張祐

少年金紫就光輝直指邊城虎翼飛一卷旌

一作旄

收千

騎虜萬全身出百重圍黃雲斷塞尋鷹去白草連天射

雁歸白首漢廷刀筆吏丈夫功業本相依

同前五首

令狐楚

荒雞隔水啼，汗馬逐風嘶。
終日隨旌旆，何時罷鼓鼙。
孤心眠夜雪，滿眼是秋沙。
萬里猶防塞，三年不見家。
却望冰河濶，前登雪嶺高。
征人幾多在，又擬戰臨洮。
胡風千里驚，漢月五更明。
縱有還家夢，猶聞出塞聲。
暮雪連青海，陰雲覆白山。
可憐班定遠，出入玉門關。

同前三首

王涯

旌

集作
戈

甲從軍久，風雲識陣難。
今朝韓信計，日下斬成

安

燕頷多奇相狼頭敢犯邊寄言班定遠正是立功年

旄頭夜落捷書飛來奏金門著賜衣白馬將軍頻破敵

黃龍戍卒幾時歸

從軍有苦樂行

李益魏王粲從軍行曰從軍有苦樂但問所從誰因以為題

也

勞者且勿

莫集作

歌我欲送君觴從軍有苦樂此曲樂未

央僕本居

一作起集
作居在

隴上隴水斷人腸東過秦宮路宮

路入咸陽時逢漢帝出諫獵至長楊詎馳游俠窟非結

少年場一旦承嘉惠輕命

集作身

重恩光秉筆參帷帟從

軍至朔方邊地多陰風草木自淒涼斷絕海雲去出沒
胡沙長參差引雁翼隱鱗騰軍裝劒文夜如水馬汗凍
成霜俠氣五都少矜功六郡良山河起目前睚眦死路
傍北逐驅獯虜西臨復舊疆昔還賊餘資今出乃贏糧
一矢弋夏服我弓不再張寄言

集作語

丈夫雄苦樂身自

當

苦哉遠征人

鮑溶征人飄

晉陸機從軍行曰苦哉遠
征人飄飄窮四遐宋顏延年從軍

行曰苦哉遠征人畢力幹時艱因以為題
又有苦哉行遠征人皆出於從軍行也

征人歌古曲攜手上河梁李陵死別處杳

集作
官

杳玄冥

鄉憶昔從此路連年征鬼方久行迷漢歷三洗

集作
死

擅

衣裳百戰身且在微功信難忘遠承雲臺議非勢孰敢

當落日弔李廣白身

集作
首

過河陽聞弓矢月影勞劒無

龍光去日始束髮今來髮成霜虛名乃閒事生見父母

鄉掩抑大風歌裏回少年場誠哉古人言鳥盡良弓藏

苦哉行五首

戎昱

彼鼠侵我厨縱狸授梁肉鼠雖為君却狸食自須足冀
雪大國恥翻是大國辱邊庭逼綺羅甌瓦雜珠玉登樓
非騁望目笑是心哭何意天樂中至今奏胡曲

官軍收洛陽家住洛陽里夫婿與兄弟目前見傷死吞
聲不許哭還遣衣羅綺上馬隨匈奴數秋黃塵裏生為
名家女死作塞垣鬼鄉國無還期天津哭流水

登樓望天衢目極淚盈睫彊笑無笑容須妝舊花靨昔
年買奴僕奴僕來碎葉豈意未死間自為匈奴妾一生

忽至此萬事痛苦業得出塞垣飛不如彼蓬蝶

妾家青河邊七葉承貂蟬身為最小女偏得渾家憐親戚不相識幽閨十五年有時最遠出祇到中門前前年狂胡來懼死虜生全今秋官軍至豈意遭戈鋌匈奴為先鋒長鼻黃髮拳鬻弓獵生人百步牛羊羶脫身落虎口不及歸黃泉苦哉難重陳暗哭蒼蒼天

可汗奉親詔今日歸燕山忽如亂刀劒攬妾心腸間出戶望北荒迢迢玉門關生人為死別有去無時還漢月


割妾心胡風凋妾顏去去斷絕魂叫天天不聞

鞠歌行

李白

玉不自言如桃李魚目笑之卞和恥楚國青蠅何太多
連城白壁遭讒毀荆山長號泣血人忠臣死為刖足鬼
聽曲知甯戚奚吾因小妻秦穆五羊皮買死百里奚洗
拂青雲上當時賤如泥朝歌鼓刀叟虎變蟠溪中一舉
釣六合遂荒營丘東平生渭水曲誰識一作數此老翁柰

何今之人雙目送征一作老鴻



御定全唐詩卷十九